

MMK16120002

# Samningur

mennta- og menningarmálaráðuneytis  
við Skáksamband Íslands  
um afmarkaða rekstrarþætti.

Mennta- og menningarmálaráðuneyti, kt. 460269-2969, í samningi þessum nefnt ráðuneytið, og Skáksamband Íslands kt. 580269-5409 gera með sér svofelldan samning um ráðstöfun á framlagi á fjárlögum til starfsemi Skáksambands Íslands.

## 1. Markmið

Markmið með samningi þessum er að styrkja starfsemi Skáksambands Íslands. Hlutverk þess er m.a. að efla mótahald, útbreiðslu og fræðslu í skák á landsvísu, auka upplýsingagjöf um skák og koma fram erlendis fyrir hönd skákhreyfingarinnar. Á vegum Skáksambands Íslands er starfræktur Skákaskóli Íslands sbr. lög um Skákaskóla Íslands nr. 76/1990.

## 2. Forsendur samnings og lagaheimildir

- 2.1. Umræddur rekstur í samningi þessum fellur undir stefnu ráðherra í málaflokknum 18.4. Íþróttir og æskulýðsmál sbr. 20. gr. laga um opinber fjármál nr. 123/2015.
- 2.2. Skáksamband Íslands hefur kynnt sér lög og reglugerðir sem gilda um verkefnið og starfa samkvæmt þeim. Vakin er sérstök athygli samningshafa á eftirfarandi lagaákvæðum: Íþróttalög nr. 64/1998, lög um ríkisendurskoðun nr. 86/1997, sem fjalla um skyldur og heimild Ríkisendurskoðunar til að endurskoða og hafa eftirlit með samningnum og lög um opinber fjármál, nr. 123/2015.

## 3. Fjárhagsleg skuldbinding ráðuneytisins

- 3.1. **Heildarskuldbinding**  
Framlag ráðuneytisins er 35,5 millj. kr. árið 2017.
- 3.2. Framlagið verður greitt þannig: Ráðuneytið greiðir Skáksambandi Íslands framlagið inn á bankareikning þeirra hjá viðskiptabanka í tólf jöfnum hlutum og er miðað við að greiða fyrsta dag hvers mánaða enda uppfylli Skáksamband Íslands öll skilyrði og kröfur sem samningur þessi kveður á um.

## 4. Ábyrgð

- 4.1. Skáksamband Íslands sér um og ber ábyrgð á að framlagið sé notað til að efla starf Skáksambands Íslands og Skákaskóla Íslands. Skáksamband Íslands tekur að sér að tryggja fullnægjandi starfsemi í sambandi við alla þá þætti sem samningurinn nær til. Jafnframt skuldbindur það sig til að uppfylla öll þau skilyrði og kröfur sem samningurinn fjallar um.
- 4.2. Skáksamband Íslands skal geta lagt fram gögn og skýrslur þessu til staðfestingar, sé eftir því leitað.
- 4.3. Skáksamband Íslands ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 4.4. Skáksamband Íslands er óheimilt að:
  - 4.4.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.

4.4.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

## **5. Upplýsingar, samskipti og eftirlit vegna fjármála**

- 5.1. Skáksamband Íslands skilar ráðuneytinu stefnuskjali til þriggja ára sem ráðuneytið lætur sambandinu í té. Í stefnuskjalið skal rita helstu markmið og aðgerðir og skulu markmið og aðgerðir m.a. taka mið af stefnuskjali ráðherra fyrir málefnasvið 18.4. sem birtist í fjármálastefnu og fjármálaáætlun til næstu fimm ára og greinargerð málefnasviðsins sem birtist í fjárlagafrumvarpi hvers árs.
- 5.2. Skáksamband Íslands skal skila ráðuneytinu ársáætlun um rekstur og starfsáætlun yfirstandandi árs, þar sem fram komi m.a. hvernig áætlað er að ráðstafa framlaginu og helstu markmið sem unnið er eftir fyrir lok maí. Einnig skilar Skáksamband Íslands upplýsingum um ný verkefni eða breytingar sem kunna að verða á rekstri sambandsins á næsta starfsári.
- 5.3. Gera skal grein fyrir framlagi ríkisins í ársreikningi Skáksambands Íslands. Ráðuneytinu er heimilt að birta gögnin á vef sínum.
- 5.4. Skáksamband Íslands skal fyrir lok maí á hverju ári skila inn greinargerð um framkvæmd samningsins og hvernig styrknum var ráðstafað í samanburði við áætlun og skilar ráðuneytinu endurskoðuðum ársreikningi fyrir tvö síðustu ár með skýringum og skal afrit sent Ríkisendurskoðun.
- 5.5. Eigi Skáksamband Íslands í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess eða annarra aðila skulu þau fara fram á viðskiptalegum forsendum og gerð grein fyrir þeim í ársreikningi.

## **6. Upplýsingar, samskipti og eftirlit vegna verkefna**

- 6.1. Ráðuneytið hefur eftirlit með framkvæmd samningsins.
- 6.2. Ráðuneytið boðar fulltrúa Skáksambands Íslands a.m.k. á einn formlegan fund á ári um framkvæmd samningsins.
  - 6.2.1. Gerð er grein fyrir mælikvörðum og viðmiðum sem lögð eru til grundvallar árangri á verkefninu og niðurstöðum slíks mats á liðnum samningsárum.
  - 6.2.2. Fram komi hvernig Skáksamband Íslands starfaði að markmiðum samningsins sbr. 1. gr. og hvernig það ráðstafaði framlagi skv. 3. gr.
- 6.3. Skáksamband Íslands ber að skila ráðuneytinu upplýsingum sem það kallar eftir vegna eftirlits með framkvæmd samningsins og vegna opinberrar upplýsingagjafar.
- 6.4. Ráðuneytinu hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Við eftirlit hefur ráðuneytið aðgang að gögnum hjá Skáksambandi Íslands sem við koma samningnum.
- 6.5. Skáksamband Íslands birtir með sýnilegum hætti á vef sínum samning þennan, ársreikning sbr. grein 5.4 og er heimilt að birta hann án sundurliðana og greinargerð um framkvæmd samningsins. Gögnin skal birta jafnóðum og þau liggja fyrir. Ráðuneytinu er heimilt að birta þau jafnframt á vef sínum.

## **7. Vanefndir og meðferð ágreinings**

- 7.1. Skáksamband Íslands tilkynnir ráðuneytinu tafarlaust ef það telur vafa leika á að það geti uppfyllt skyldur samkvæmt samningnum. Jafnframt skal Skáksambandið greina frá úrræðum sem það hyggst grípa til.
- 7.2. Ráðuneytinu er heimilt að draga úr greiðslum, stöðva greiðslur og endurkrefja greiðslur uppfylli Skáksamband Íslands ekki skyldur sínar samkvæmt samningi þessum.


- 7.3. Samningsaðilar munu leitast við að jafna ágreining, ef einhver er, sín á milli.
- 7.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

#### 8. Gildistími

- 8.1. Samningurinn gildir frá 1. janúar 2017 til 31. desember 2017.
- 8.2. Hvor aðili um sig getur óskað eftir því að einstök ákvæði eða verkefni samningsins eða samningurinn í heild verði tekin til endurskoðunar séu færð fyrir því efnisleg rök. Endurskoðun skal þá hefjast svo fljótt sem verða má.
- 8.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara.
- 8.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík, 24. apríl 2017

  
F. h. mennta- og menningarmálaráðherra

  
Gunnar Björnsson  
forseti Skáksambands Íslands